



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

II. Kaiser Friedrich bestätigt dem Erzbisthum Magdeburg das demselben von König Philipp geschenkte Bisthum und Schloß, sowie die Stadt Lebus, im Juni 1226.

Nutzungsbedingungen

[urn:nbn:de:hbz:466:1-55508](https://nbn-resolving.org/urn:nbn:de:hbz:466:1-55508)

Bisthum und Land Lebus.

- I. Lorenz, Bischof von Lebus, überläßt dem Augustinerkloster zu Raumburg am Bober den Zehnt in 200 ihm im Lande Lebus von dem Herzoge Heinrich von Schlesien geschenkten Hufen, am 23. April 1226.

Ego Laurentius, miseratione diuina Lubusensis Episcopus — Dominus Henricus senior ducentos mansos in dyocesi mea in territorio videlicet de Lubus contulit religiose domui de nouo castro. — Ego etiam — — jus decimationis de predictis CC mansis prefate domui iure concessi perpetuo. Datum — M^o. CC^o. XXVI^o. IX kal. Maji.

Wohlsbrück I, 17.

- II. Kaiser Friedrich bestätigt dem Erzbisthum Magdeburg das demselben von König Philipp geschenkte Bisthum und Schloß, sowie die Stadt Lebus, im Juni 1226.

In nomine sancte et indiuidue trinitatis Fridericus secundus, diuina fauente clementia Romanorum imperator et semper Augustus, Iherosolimi et Sicilie rex in perpetuum. Tunc princeps Romanus gloriatur in subditis et decus extollitur imperatorie maiestatis, cum ad suos deuotos imperii principes pro seruitorum meritis et magnificentia meritorum prouida liberalitate respiciens labores eorum digna retributione prosequitur, ac ipsorum deuotionem munifica largitione compensat, quos dum imperialis excellentia prouehit in profectibus eorum commoda sua magnificat — —. Ea propter notum fieri volumus vniuersis imperii fidelibus tam presentibus quam futuris, quod dilectus

princeps noster Albertus venerabilis Magdeburg. Archiepiscopus coram nostra proposuit maiestate, quod patruus quondam noster Philippus, Romanorum rex, clare memorie donavit et concessit ei et Magdeburgensi ecclesie Episcopatum castrum et civitatem Lubus, cum omnibus iustitiis et proventibus suis, quare nostre celsitudini humiliter supplicavit, quatenus predicta Episcopatum castrum et civitatem Lubus ei ac nominate ecclesie sue de nostra gratia confirmare, donare et concedere dignemur. Nos igitur attendentes grata et multiplicia dilecti principis nostri servicia, que non absque incomparabilibus ecclesie sue dampnis et expensis grauibus ab exordio nostre promotionis nobis et imperio ad nostrum et imperii honorem exhibuit et exhibet incessanter ac inantea exhibere poterit graviora, dignum duximus labores eius multiplicum serviciorum suorum merita et ecclesie sue dampna, que sibi pro nostris sunt illata serviciis, clemencius intueri, ac honestam supplicationem ipsius, quam in conspectu nostro fides et iustitia prouebunt et presentant, liberaliter admittentes, ex innata mansuetudine nostra, qua consueuimus bene meritis respondere, sui grati servicii merito, et in reconpensationem dampnorum ecclesie sue, de consensu fidelium nostrorum principum imperii confirmamus et de uberiori gratia donamus ac concedimus eidem principi nostro dilecto Alberto venerabili Magdeburgensi Archiepiscopo et sue sancte Magdeburgensi ecclesie Episcopatum castrum et civitatem Lubus in proprietatem et possessionem perpetuam cum omnibus proventibus suis, terris cultis et incultis, pratis, pascuis, aquis, piscationibus, nemoribus, siluis, venationibus, villis, opidis, jurisdictionibus, utilitatibus, oportunitatibus ac cunctis iuribus eorum, sicut ad nos et imperium spectare noscuntur, nec non cum ceteris pertinentiis suis occupatis pro tempore ac detentis, quas ab occupatorum manibus eruere poterit, qui eas non absque imperii preiudicio et iniuria inuaserunt, et per violentiam detinere contendunt, que omnia olim dictus patruus noster Philippus, Romanorum rex, eidem Episcopo et ecclesie sue supradicte donauit, sicut euidenter nostre innotuit maiestati. Statuentes insuper et presentis auctoritate privilegii facientes, ut nullus princeps, dux, Marchio, comes, aduocatus, scultetus, ministerialis nullaque persona sublimis vel humilis publica vel privata ecclesiastica vel mundana contra presentem confirmationis, donationis et concessionis nostre paginam venire presumat. Quod qui presumpserit in sue temeritatis vindictam quingentas libras auri optimi se compositoras sciat, quarum medietas fisco nostro et reliqua patienti iniuriam persoluatur. Ad hujus itaque confirmationis et donationis nostre memoriam et robur perpetue valituras prefens privilegium fieri facimus, quod sigilli nostri impressione iussimus communiri. Huius autem rei testes sunt Geroldus, patriarcha Jherusolimenis, Henricus Mediolanensis, Landus, Reginus Archiepiscopi, H. Wormacensis, Engelardus Nuemburgensis, Conradus Hildesemensis, Eckardus Merseburgensis, H. Babileensis, H. Brixinensis, Jacobus Taurinensis, Albertus Brixinensis, G. Parmensis, Marmardinus Imolenis Episcopi, Vgo de Marbac, Fridericus de Prome, Abbates, Otto Aquensis, H. sanctorum apostolorum in Magdeburg, Thegenhardus in Houge Herbipoli prepositi, Albertus, Dux Saxonie, Ludeuicus, Landgravius Thuringie, Reinaldus, Dux Spoleti, H. Marchio de Baden, Mainardus de Gorzech, H. de Swartzpurg, Conradus de Eberstein, Sifridus Vienne, Guido Tuscie, Mainardus de Moleburch, Thadeus de Urbino, Comites, Geuehardus et Walterus, fratres de Arnesten, Gotfridus de Honlo, Waltherus et Albertus, filius suus de Langeburch, Ludolphus de Rulested, Henricus et H., fratres de Wida, Henricus de Cremmacowe, Bartholomeus de Suntershufen, Hartmodus de Borg. Acta sunt anno dominice incarnationis M^o. CC^o. XXVI^o., mense Junii, XIV indictione imperante Domino nostro Friderico, dei gratia invictissimo Romanorum imperatore semper augusto, Jherusolimi et Sicilie Rege, anno ejus Romani imperii VI., regni Jherusolimi primo,

regni vero Sicilie XXIX. feliciter amen. Datum in civitate Parme, anno mense et indictione prescriptis.

Hujus privilegii prescripti due sunt litere ejusdem tenoris,

Vna cum sigillo de cera, alia cum bulla aurea sigillate.

Aus einem Copialbuche nach Gercken's Codex IV, 436.

III. Lorenz, Bischof von Lebus, überläßt den Klöstern Lebus und Trebnitz den Zehnt von dem Platkowischen Districte, im Jahre 1229.

— — Ego Laurentius, misericordie diuina lubufenfis episcopus, vniuersis christi fidelibus presens scriptum inspecturis, salutem — vniuersitati uestre notum esse cupio, quod ego consensu capituli Lubufenfis, decimam Platkouienfis territorii, tam de cultis quam colendis, ecclesie sancte Marie in Lubens, necnon et ecclesie beati bartholomei in Trebiniz perpetualiter donauit. In cuius rei argumentum, presentem paginam tam sigilli mei, quam et capituli lubufenfis munimine roborauit. Acta sunt hec anno gracie M^o. CC^o. XX^o. nono, tempore Guntheri, abbatis Lubufenfis, et Gerdrudis, abbatisse trebinicenfis, sub testimonio pribizlai, prepositi, Andree, decani, Siberti, Strefonis, Wolferrami, Bartholomei, Radozlai, canonicorum.

Wohlsbrück I, 59.

IV. Bischof Lorenz von Lebus überläßt den Tempelherren die Zehnten von 250 Hufen Landes in seinem Stiftsprengel, im Jahre 1229.

In nomine Patris et filii et Spiritus Sancti Amen. Quoniam res temporaliter geste ne labantur cum tempore litteris commendate et sigillis roborate, habent immobile firmamentum, ego Laurentius, diuina misericordie lubucenfis Episcopus, notum facio tam presentibus quam futuris presentem paginam inspecturis, quod Fratribus militie Templi in subsidium Terre sancte contuli decimas ducentorum quinquaginta mansorum in Episcopatu lubucenfi, cum consensu Capituli lubucenfis, in perpetuum possidendas, pro remedio animarum mee videlicet et predecessorum atque successorum meorum. Et ne quis hoc irritare quomodolibet aut turbare presumat in posterum Scripto presenti et sigillis, meo Scilicet et Capituli, roborare dignum duxi, Datum Anno gratie M^o. CC^o. XXIX, Indictione II.

Aus Beckmann's handschriftl. Urkunden-Sammlung. Es ist dies die Urkunde, deren Verlorensein Wohlsbrück I, S. 60 seiner Geschichte von Lebus beklagt.